



**USAID**  
OD AMERIČKOG NARODA



BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BOSANSKA KRUPA  
**GRADSKA UPRAVA BOSANSKA KRUPA**

Broj: 08-11-7-8430/22  
Bosanska Krupa, 19.10.2022 godine

Na osnovu člana 27. Zakona o lokalnoj samoupravi Unsko sanskog kantona („Službeni glasnik USK“, broj: 8/11), člana 6. Odluke o kriterijima, načinu i postupku raspodjele sredstava iz fonda za razvoj biznisa marginaliziranih grupa žena koji se finansiraju i sufinansiraju sredstvima Budžeta Grada Bosanska Krupa i Ugovora o dodjeli granta broj: 20.04.0-D1.C-4360 između Grada Bosanska Krupa i Instituta za razvoj mladih KULT od 23.06.2022. godine, na prijedlog Službe za opću upravu i društvene djelatnosti, Gradonačelnik raspisuje:

## **JAVNI POZIV**

### **Za finansiranje najboljih biznis ideja marginaliziranih grupa žena**

Objavljuje se Javni poziv za finansiranje najboljih biznis ideja marginaliziranih grupa žena čiji ciljevi su probuditi poduzetnički duh među marginaliziranim grupama žena, motivisati marginalizirane žene sa inovativnim i provodivim poslovnim idejama da realiziraju svoje ideje na području grada Bosanska Krupa i omogućiti marginaliziranim ženama pokretanje vlastitog biznisa, registriranog kao obrt ili društvo sa ograničenom odgovornošću (d.o.o.).

#### **Ko i kakva ideja se može prijaviti?**

Sredstva iz Javnog poziva dodjeljuju se punoljetnim marginaliziranim ženama sa prebivalištem na području grada Bosanska Krupa (ženama žrtvama nasilja, samohranim majkama, nezaposlenim mladim ženama do navršениh 35 godina starosti, ženama s invaliditetom ili s djetetom s invaliditetom, dugoročno nezaposlenim ženama, ženama iz ruralnih područja, te ženama koje su na neki drugi način marginalizirane), pojedinačno ili u grupi/timu, ženama koje se u momentu podnošenja prijave ne mogu okarakterisati kao poduzetnici, koje nikada nisu imale registriranu vlastitu djelatnost, koje nisu osuđivane za krivična djela protiv privrede i krivična djela protiv imovine i koje imaju poslovne ideje i žele započeti posao u određenoj djelatnosti na području grada Bosanska Krupa.

Aplikantica/e može aplicirati neograničenim brojem biznis ideja, ali će samo jedna biti podržana. Očekuje se i ohrabruje prijavljivanje i učešće timova u kojima je oko jedne poslovne ideje okupljeno više osoba. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima. Odgovornost za originalnost poslovne ideje je isključivo na podnosiocu ideje.



**USAID**  
OD AMERIČKOG NARODA



## Kakva ideja se ne može obraditi kroz biznis plan?

Biznis ideje koje se ne mogu finansirati iz Javnog poziva i koje neće biti uzete u razmatranje su:

1. Osoba/e već posjeduje registriran biznis za koji traži sredstva iz javnog poziva;
2. Biznis ideje iz oblasti trgovine i ugostiteljstva (osim originalnih ideja vezanih za turizam i domaće proizvode);
3. Biznis čije djelovanje, proizvodi ili usluge štete životnoj sredini;
4. Biznis koji se bavi proizvodnjom, prodajom ili prerađevinom duhana;
5. Biznis koji se bavi proizvodnjom ili prodajom alkoholnih pića ili artikala sa sadržajem alkohola;
6. Biznis koji pruža usluge uživanja nargile;
7. Biznis koji se bavi proizvodnjom ili prodajom oružja i municije;
8. Biznis koji se bavi neetičnim i riskantnim djelatnostima poput kriptovaluta, alternativne metode liječenja, kockanje, proricanje budućnosti i slično.

## Šta se finansira Javnim pozivom?

Grad Bosanska Krupa će osigurati finansiranje za uspješno ocijenjen biznis plan i to:

- troškove registracije firme,
- troškove fiskalizacije,
- troškove zakupnine prostora do visine odobrenih sredstava,
- troškove materijala i sirovina,
- troškove knjigovodstvenih usluga,
- troškove minimalnih poreza i doprinosa u prvoj godini obavljanja djelatnosti,
- troškove uređenja i opremanja poslovnog prostora do visine odobrenih sredstava,
- troškove promocije do visine odobrenih sredstava,
- troškove nabavke poljoprivrednih sirovina i stoke do visine odobrenih sredstava,
- troškove nabavke opreme, mašina, alata, materijala koji moraju biti novi do visine odobrenih sredstava.

Sve nabavke osim stočnih životinja, moraju biti realizirane od pravnog lica, koje će im za pruženu uslugu ili kupljeni proizvod izdati odgovarajući fiskalni račun.

Podnosiocu prijave može biti odobren iznos sredstava od **8.000,00 KM** do **10.000,00 KM**. Isti su dužni naznačiti u svom biznis planu iznos traženih sredstava sa naznakom za koje stavke (pojedinačno opisati stavke) su sredstva potrebna i tačan iznos sredstava.

## Način podnošenja prijave

Biznis ideju kojom se vrši prijava potrebno je popuniti zajedno prema originalnom obrascu prijave čija forma je sastavni dio Javnog poziva i koja se može naći u elektronskoj formi na web stranici Grada Bosanska Krupa.



**USAID**  
OD AMERIČKOG NARODA



**Svaka prijava treba da se sastoji od slijedećih obaveznih dokumenata (original ili ovjerene fotokopije – ne starije od 30 dana):**

- Popunjen prijavni obrazac i biznis ideja u zadanoj formi,
- CIPS prijava prebivališta podnosioca/svih članova tima,
- Kopija lične karte,
- Dokaz o nezaposlenosti (ako je/su osoba/e nezaposlena),
- Izjava sa tačno navedenim osnovom po kojem aplikantica spada u kategoriju marginaliziranih žena, sa pratećim dokazima,
- Izjava da aplikantica nije ranije imala registriranu djelatnost,
- Izjava da aplikantica nije osuđivana za krivična djela protiv privrede i krivična djela protiv imovine.

Popunjen prijavni obrazac sa pratećom dokumentacijom, pripremljen u skladu sa uputama iz ove Odluke mora biti kompletan da bi bio uzet u razmatranje. Prijave koje nisu kompletno popunjene, prijave koje nisu popunjene istinitim informacijama, prijave koje sadrže nelogične i neozbiljne odgovore i koje ne sadrže zahtjevanu dokumentaciju biti će odbačene i neće biti predmet daljnjeg razmatranja. Prijave moraju biti popunjene u elektronskoj formi ili plavom hemijskom olovkom.

Prijava zajedno sa pratećom dokumentacijom se predaje u zatvorenoj koverti putem pošte ili lično na adresu:

**Gradska uprava Bosanska Krupa**

**Terzića bb 77240 Bosanska Krupa**

**sa naznakom: "Ne otvarati - Prijava na Javni poziv za finansiranje najboljih biznis ideja marginaliziranih grupa žena"**

Javni poziv **traje 30 dana** od dana objavljivanja u sredstvima javnog informisanja, službenoj web stranici i oglasnim tablama Grada Bosanska Krupa, a Služba za opću upravu i društvene djelatnosti će organizirati i provesti obuku sa zainteresiranim kandidatima kako popuniti prijavni obrazac, biznis plan i o svemu onome što je bitno za pokretanje vlastitog biznisa u prostorijama Gradske uprave 31.10.2022. godine od 11.00 do 14.00 h.

Sa svim odabranim podnosiocima prijava Grad Bosanska Krupa i USAID/INSPIRE zaključuju tripartitni ugovor koji sadrži prava, obaveze i odgovornosti, način praćenja provođenja odobrenog poslovnog plana, način praćenja namjenskog trošenja sredstava, te elemente narativnog i finansijskog izvještavanja o realizaciji poslovnog plana.

Odabrane aplikantice će imati ugovornu obavezu da u roku od maksimalno dva mjeseca (60 dana) od dana potpisivanja ugovora pravno registriraju svoju djelatnost u formi obrta ili društva sa ograničenom odgovornošću (d.o.o.). Odabrane aplikantice će imati ugovornu obavezu da budu vlasnice registrirane djelatnosti i uposlenice te djelatnosti.



**USAID**  
OD AMERIČKOG NARODA



Isplata sredstava uslijedit će nakon potpisivanja ugovora sa odabranim aplikanticama, a biće uplaćena direktno na račun biznisa koji prvi put registruju. Isplata će se vršiti avansno na mjesečnom nivou, a na osnovu zahtjeva i uredno dostavljene dokumentacije za finansijsko izvještavanje.

U skladu sa Sporazumom između vlade SAD i BiH o ekonomskoj, tehničkoj i srodnoj pomoći za BiH, za nastale troškove po osnovu potpisanog ugovora, koji se finansiraju iz udjela sredstava USAID/INSPIRE-a, moguće je provesti proceduru u svrhu povrata PDV-a.

**Kontakt informacije:**

Sabahudin Dizdarević - stručni saradnik za rad s mladima i nevladinim organizacijama

Tel: ++387 37 961-460

E-mail: sabo.dizdar@gmail.com

**Obrađivač:**

Sabahudin Dizdarević, dipl.pravnik

**GRADONAČELNIK**

Armin Halitović

**Dostaviti:**

1. Web stranica Grada,
2. Radio Bosanska Krupa,
3. Oglasna ploča (2x)
4. a/a.